

اتوار 29 ستمبر، 2024

مضمون۔ اصلیت

سنہری متن: استثنا 32 باب 4 آیت

”اوہ ای چٹان اے۔ اوہدی صنعت کامل اے کیوں جے اوہدیاں ساریاں راہواں انصاف دیاں نیں اوہ وفادار رب تے بدی توں بغیر اے۔ اوہ انصاف کرن والا تے سچا اے۔“

جوابی پڑھائی: یسعیاہ 65 باب 17، 18 آیتاں

زبور 145: 9 توں 13 آیتاں

17- کیوں جے ویکھو میں نوں آسمان تے نوں دھرتی نوں پیدا کرداواں تے پہلیاں شیواں دا فیر ذکر نہ ہووے گا تے اوہ خیال وچ نہ آون گیاں۔

18- بلکہ تسی میری ایس نوں مخلوق توں ہمیشہ دی خوشی تے شادمانی کرو کیوں جے ویکھو میں یرو شلم نوں خوشی تے اوہدیاں لوکاں نوں خرمی بناواں گا۔

9- خداوند ساریاں اُتے مہربان اے۔ تے اوہدی رحمت اوہدی ساری مخلوق اُتے اے۔

10- اے خداوند! تیری ساری مخلوق تیرا شکر کرے گی۔ تے تیرے مقدس تینوں دھن آکھن گے۔

11- تیری سلطنت دے جلال دا بیان تے تیری قدرت دا پرچار کرن گے۔

12- تاں جو بنی آدم اُتے اوہدی قدرت دے کماں نوں تے اوہدی سلطنت دے جلال دی شان نوں ظاہر کرن۔

13- تیری سلطنت ہمیشہ دی سلطنت اے۔ تے تیری حکومت پیڑی توں پیڑی تیکر اے۔

درسی وعظ

بائبل وچوں

1- پیدائش 1 باب 1 توں 3، 26 توں 31 آیتاں

1- رب نے شروع وچ دھرتی تے آسمان نوں پیدا کیتا۔

2- تے دھرتی ویران تے سنسان سی تے گہراؤ اُتے ہنیر اسی تے رب دی روح پانیاں اُتے جنبش کردی سی۔

3- تے رب نے آکھیا پئی لوہو جاتے لوہو گئی۔

26- فیر رب نے آکھیا پئی اسی انسان نوں اپنی صورت اُتے اپنی شبیہ وانگر بنائیے تے اوہ سمندر دیاں مچھیاں تے آسمان دے پرندیاں تے چوپائیاں تے ساری دھرتی تے سارے جانداراں اُتے جیہڑے دھرتی اُتے رھڑ دے نیں اختیار رکھن۔

27- تے رب نے انسان نوں اپنی صورت اُتے پیدا کیتا۔ رب دی صورت اُتے اوہنوں پیدا کیتا۔ نروناری اوہناں نوں پیدا کیتا۔

- 28- رب نے اوہناں نوں برکت دتی تے آکھیا پھلو تے ودھوتے دھرتی نوں معمور و محکوم کرو تے سمندر دیاں مچھیاں تے ہوادے پرندیاں تے سارے جانوراں تے جیہڑے دھرتی اُتے رھڑدے نیں اختیار رکھو۔
- 31- تے رب نے سب اُتے جو کجھ اوہنے بنایا سی نظر کیتی تے ویکھیا پئی بوہت چنگاے۔

2- لوقا 5 باب 12 توں 16 آیتاں

- 12- جدادہ شہر وچ سی تے ویکھو کوڑھ نال بھریا ہونیا اک بندہ یسوع نوں ویکھ کے منہ بھرنے ڈگیا تے اوہدی منت کر کے آکھن لگیا اے خداوند! جے توں چاہو میں تے مینوں پاک صاف کر سکدا ایں۔
- 13- اوہنے ہتھ ودھا کے اوہنوں چھو نیا تے آکھیا پئی میں چاہنا واں پئی تو پاک صاف ہو جاتے فوراً اوہدا کوڑھ جاندار ہیا۔
- 14- تے اوہنے اوہنوں تاکید کیتی پئی کسے نوں نہ دسیں بلکہ جا کے اپنا آپ کاہن نوں دکھاتے جیویں موسیٰ نے مقرر کیتا اے اپنے پاک صاف ہون لئی نذر چڑھاتاں جو اوہناں لئی گواہی ہووے۔
- 15- پر اوہدی مشہوری بوہتی ہوئی تے بوہت سارے لوکی اکٹھے ہوئے پئی اوہدیاں سننن تے اپنیاں بیماریاں توں شفا پان۔
- 16- پر اوہ جنگلاں وچ وکھرا جا کے دعا کردا ہندا سی۔

3- لوقا 18 باب 35 توں 43 آیتاں

- 35- جدوں اوہ ٹردیاں ٹردیاں یریحو دے کول اپڑیا تے اینج ہو نیا پئی اک انھلدا دے کنڈے اُتے بیٹھیا منگ رہیا سی۔
- 36- اوہ لوکاں دے جتھے دے جان دی آواز سن کے بچھن لگیا پئی کیہ ہو رہیا اے؟

- 37- اوہناں نے اوہنوں آکھیا پئی یسوع ناصری جا رہیا اے۔
- 38- اوہنے چلا کے آکھیا اے یسوع داؤد دے پتر میرے اُتے رحم کر۔
- 39- جیہڑے اگے جان دے سی اوہ اوہنوں جھڑکن لگے پئی چپ رہ پر اوہ ہور وی اُچی آواز نال چلایا پئی اے داؤد دے پتر میرے اُتے رحم کر۔
- 40- یسوع نے کھلو کے حکم دتا پئی اوہنوں میرے کول لیاؤ۔ جد اوہ نیم سڑے آیتے اوہنے اوہنوں پچھیا۔
- 41- توکیہ چاؤناں ایس پئی میں تیرے لئی کراں؟ اوہنے آکھیا اے خداوند ایہہ پئی میں دیکھن لگ جانواں۔
- 42- یسوع نے اوہنوں آکھیا بینا ہو جا۔ تیرے ایمان نے تینوں چنگا کیتا اے۔
- 43- اوہ اوہ سے ویلے بینا ہو گیا تے رب دی وڈیائی کردیاں ہوئے اوہدے مگر ٹر پیا تے سارے لوکاں نے ایہہ دیکھ کے رب دی وڈیائی کیتی۔

4- مرقس 7 باب 31 توں 37 آیتاں

- 31- تے اوہ فیر صور دیاں سر خداں وچوں نکل کے صیدا دی راہ توں دکپلس دیاں سر خداں توں ہندا ہو گیا گلیل دی جھیل تیکر اپڑیا۔
- 32- تے لوکاں نے اک بولے نوں جیہڑا ہکلاؤندا وی سی اوہدے کول لیا کے اوہدی منت کیتی پئی اپنا ہتھ اوہدے اُتے دھر۔
- 33- اوہ اوہنوں جتھے وچوں دکھ لے گیا تے اپنیاں انگلیاں اوہدے کناں وچ پائیاں تے تھک کے اوہدی زبان چھوئی۔
- 34- تے اسمان اتے نظر کر کے اک ہوکا بھریا تے اوہنوں آکھیا فتح یعنی کھل جا۔
- 35- تے اوہدے کن کھل گئے تے اوہدی زبان دی گنڈھ کھل گئی تے اوہ صاف صاف بولن لگ پیا۔

36- تے اوہنے اوہناں نوں حکم دتا پئی کسے نوں نہ دسیو پر جنہاں اوہ اوہناں نوں حکم دیندا اسی اوہناں ای اوہ مشہور کردے رہے۔

37- تے اوہناں نے بوہت حیران ہو کے آکھیا جو کجھ اوہنے کیتا سب چنگاے۔ اوہ بولیاں نوں سنن دی تے گنگیاں نوں بولن دی طاقت دیندا اے۔

5- امثال 20 باب 12 آیت

12- سنن والے کن تے ویکھن والی اکھ دونواں نوں رب نے بنایاے۔

6- کلیسیوں 1 باب 16 توں 20 آیتاں

16- کیوں جے اوہدے وچ ای ساریاں شیواں پیدا کیتیاں گیاں۔ اسمان دیاں ہون بھانویں دھرتی دیاں۔ ویکھیاں ہوون بھانویں نہ ویکھیاں۔ تخت ہون یار یاستاں ہون یا حکومتاں یا اختیار۔ ساریاں شیواں اوہدے پاروں تے اوہدے لئی ہی پیدا ہوئیاں نیں۔

17- تے اوہ ساریاں شیواں توں پہلاں اے تے اوہدے وچ ای ساریاں شیواں قائم نیں۔

18- تے اوہ ای بدن یعنی کلیسیا داسراے۔ اوہ ای مبداءے تے مویاں وچوں جی اٹھن والیاں وچوں پہلو ٹھا اے تاں جو ساریاں گلاں وچوں اوہد ادر جہ پہلا ہووے۔

19- کیوں جے باپ نوں ایہہ پسند آیا پئی ساری معموری اوہدے وچ ای سکونت کرے۔

20- تے اوہدے لہودے پاروں جیہڑا سولی اُتے وگیا صلح کر کے ساریاں شیواں دا اوہدے راہیں اپنے نال میل کر لوے۔ بھانویں دھرتی دیاں ہون تے بھانویں اسمان دیاں۔

7- واعظ 3 باب 14، 15 (توں دو جی؛) آیتاں

14- تے مینوں یقین اے پئی سب کجھ جو رب کر دا اے ہمیشہ لئی اے۔ ایہدے وچ کجھ گھٹانائیں ہو سکداتے رب نے ایہہ ایس لئی کیتا اے پئی لوکی اوہدے توں ڈردے رہن۔

15- جو کجھ ہے اے اوہ پہلے توں ہو چکیا اے تے جو کجھ ہو ون والا اے اوہ وی ہو چکیا اے۔

8- متی 5 باب 48 آیت

48- ایس لئی چاہیدا اے پئی تسی کامل ہوو جیویں تہاڈا آسمانی پیو کامل اے۔

سائنس تے صحت

1- 31-27:335

اصلیت روحانی، ہم آہنگ، نہ بدلن والی، لافانی، الہی تے ابدی اے۔ غیر روحانی کجھ وی اصلی، ہم آہنگ یا ہمیشہ دانسیں ہو سکدا۔ پاپ، بیماری تے فانیت روح دے فانی سمت القدم نیں، تے ایہہ یقیناً اصلیت دے مخالف ہوون گے۔

2- 14:353 (ویلہ)۔19

ویلہ ہلے ابدیت، لافانیت تے پوری اصلیت تیکر نئیں اڑیا۔ ساری اصلیت ابدی اے۔ کاملیت اصلیت نوں سامنے لاؤندی اے۔ کاملیت باہجوں کجھ وی پورے طور تے اصلی نئیں اے۔ جدوں تیکر کاملیت ظاہر نئیں ہندی تے اصلیت تیکر نئیں اڑدی ساریاں شیواں غائب ہونیاں جاری رہن گیاں۔

3- 6-27،23-21:518

رب دے بارے سارے وکھرے اظہار صحت، پاکیزگی، لافانیت، لامحدود حیاتی سچائی تے محبت دی عکاسی کردے نیں۔

الہی اصول یا روح سب کجھ سمجھدایا ظاہر کردا اے، تے ایسے لئی سب کجھ اونچ ای کامل ہونا چاہیدا اے جیویں الہی اصول کامل اے۔ روح لئی کجھ نواں نئیں اے۔ اوس ہمیشہ دی سیان لئی کجھ وی افسانوی نئیں اے، جیہڑا ساریاں گلاں دا لکھاری اے، جسے ساری ابدیت بنائی اے اوہ اپنے آپ دے خیال جان دا اے۔ رب اپنے کم توں مطمئن سی۔ اوہ اپنی لافانی خود ساختگی تے لافانی سیان دا اجر کیویں ہو سکدا اے جد کہ روحانی تخلیق ایہدا اشا خسانہ سی؟

4- 14:485 (شامل ہوو)۔27

مادے توں روح وچ ہولی ہولی شامل ہوو۔ ساریاں شیواں دی روحانی اخیر نوں ناکام کرن تے دھیان نہ کرو، بلکہ چنگی صحت تے اخلاق دے پاروں تے بطور روحانی بڑھوتری تے فطری طور تے روح وچ آوو۔ موت نئیں بلکہ حیاتی دافہم انسان نوں لافانی بناؤندا اے۔ ایہہ عقیدہ پئی بدن وچ مادہ یاروح حیاتی ہو سکدی اے تے ایہہ پئی انسان مٹی یا آندے توں پیدا ہندا اے اوس فانی غلطی دا نتیجہ اے جنہوں مسیح، یاسیچائی ہستی دے روحانی قانون نوں پورا کرن نال برباد کردا اے، جیدے وچ انسان اونج ای کامل اے جیویں ”آسمانی پوکامل اے“۔ جے سوچ اپنا اقتدار دوجیاں طاقتاں دے حوالے کر دیوے تے ایہہ بدن اُتے اپنے آپ دیاں سونیاں تصویراں داخاکہ نئیں بنا سکدی، بلکہ ایہہ اوہناں نوں مٹا دیندی تے بیرونی عوامل دی تصویر کشی کردی اے جنہاں نوں بیماری تے پاپ آکھیا جاندا اے۔

5- 12-23:486

بصیرت، سماعت سارے روحانی احساس ابدی نیں۔ ایہہ مک نئیں سکدے۔ ایہناں دی حقیقت تے لافانیت روح تے سیان وچ نیں نہ کہ مادے وچ نیں، ایسے طراں اوہناں دی مضبوطی وی۔ جے ایہ نہ ہندا تے انسان جلد ای مار دتا جاندا۔ جے مادی بیچ حواس اوہ آکھ ہندے جنہاں دے راہیں رب نوں سمجھیا جاسکدا تے فالج، انھاپن تے بولا پن انسان نوں اک خوفناک حالت وچ لے جاندا، جتھے اوہ دوجیاں وانگر ہندا ”بغیر کسے آس تے رب توں بغیر جگ وچ“؛ پر اصل وچ ایہہ آفتاں عام طور تے انسان نوں خوشی تے وجود دے طالب ہوون تے ایہناں نوں لبھن ول لے جانداں نیں۔

حیاتی لازوال اے۔ حیاتی انسان دا اصل تے نیوں اے، موت دے راہیں کدی حاصل ہون والی نئیں، بلکہ ایہدے توں پہلاں تے بعد وچ جنہوں موت آکھیا جاندا اے سچائی اُتے ٹردے رہن نال حاصل ہندی اے۔ مادے دی

بجائے روحانی طور تے دیکھن تے سُنن وچ بوہتی مسیحت اے۔ ذہنی صلاحیتیاں دے گواچن دی بجائے اوہناں دی مستقل مشق وچ بوہتی سائنس ملدی اے۔ اوہ گواچ تے نئیں سکدی، پر سیان ہمیش تیکر ر ہندی اے۔ اوہدی سیان نے صدیاں پہلاں انھے نوں بینائی تے بولے نوں سُنن دی طاقت دتی، تے ایہہ لیہناں معجزیاں نوں دوہرائے گی۔

6- 31-23:488

عقل ساری سیان، ادراک تے استعداد دی ملکیت رکھدی اے۔ ایس لئی ذہنی صلاحیتیاں تنظیم سازی تے تعفن پذیری دے رحم و کرم اتے نئیں، نئیں تے لہدے کیرے انسان نوں تباہ کر دین۔ جے انسان دیاں سُچیاں حساں دازخمی ہو جانا ممکن ہندا تے روح نوں اوہناں نوں ساری کاملیت وچ دوبار بنا دینا چاہیدا اے؛ پر ایہہ خراب یا برباد نئیں کیتیاں جاسکدیاں، کیوں جے ایہہ فانی سیان وچ وجود رکھدیاں نیں نہ کہ فانی مادے وچ۔

7- 26-20:417

کر سچن سائنس دے شفا دین والے لئی بیماری اک سُفناں اے جیدے توں مریض نوں جاگن دی لوڑ اے۔ علاج کرن والیاں نوں بیماری اصلی نئیں لگنی چاہیدی، کیوں جے ایہہ گل من دے قابل اے پئی مریض نوں ٹھیک کرن دا طریقہ ایہہ اے پئی اوہنوں بیماری غیر اصلی ظاہر کیتی جاوے۔ ایہہ کرن لئی، علاج کرن والے نوں سائنس وچ بیماری دی غیر اصلیت نوں سمجھنا چاہیدا۔

8- 5-32:476

یسوع نے سائنس وچ کامل بندے نوں دیکھیا جیہڑا اوہدے اُتے اوتھے ظاہر ہو گیا جتھے پاپ کرن والا فانی انسان لافانی اُتے ظاہر ہو گیا۔

اوس کامل بندے وچ مکتی داتا نے رب دی اپنی شبیہ تے صورت نوں دیکھیا تے انسان دے ایس ٹھیک نظریے نے بیماری نوں ٹھیک کیتا۔ ایس لئی یسوع نے تعلیم و تپ پئی رب برقرار تے عالمگیر اے تے ایہہ پئی انسان پاک تے مقدس اے۔

9 - 14:242-6

مادے دے دعویاں توں انکار خوشی دی روح ول انسان دی آزادی تے بدن اُتے اخیری فتح ول اک وڈھا قدم اے۔

اسمان اُتے جان دی کلی راہ ہم آہنگی اے تے مسیح الہی سائنس وچ ساہنوں ایہہ راہ دکھاؤندا اے۔ ایہہ مطلب رب، چنگلیائی تے اوہدے پرچھانویں توں علاوہ کسے ہور اصلیت نوں نہ جاننا، حیاتی دے کسے ہور ضمیر نوں نہ جاننا اے، تے ناں دے ای درد تے خوشی والے احساساں توں اُچا ہونا ایں۔

10 - 19:368-14

جدوں اسی غلطی توں بوہتا حیاتی دی سچائی اُتے بھروسہ کردے آں، مادے توں بوہتا روح اُتے بھروسہ کردے آں، مران توں بوہتا جین اُتے بھروسہ کردے آں، انسان توں بوہتا رب اُتے بھروسہ کردے آں، تے کوئی مادی مفروضے ساہنوں بیماراں نوں شفا دین تے غلطی نوں تباہ کرن توں نہیں روک سکدے۔

11- 24:21-96

انسانی غلطی اک اخلاقی کیمیائی عمل وچ غائب ہو جاوے گی۔ ایہہ ذہنی ابال شروع ہو چکیا اے، تے ایہہ اوہدوں تیکر جاری رہوے گا جدوں تیکر ایمان دیاں ساریاں غلط فہمیاں نوں قبول نہ کر لیں۔ ایمان تبدیل ہو سکدا اے، پر روحانی فہم تبدیل نہیں ہو سکدا۔

12- 24:472 (ساری)-3

رب تے اوہدی تخلیق وچ پائی جان والی ساری اصلیت ہم آہنگ تے ابدی اے۔ جو کجھ اوہ بناؤندا اے چنگا بناؤندا اے، تے جو کجھ بنیا اے اوہنے ای بنایا اے۔ ایس لئی پاپ، بیماری تے موت دی سچائی ایہہ ہولناک اصلیت اے پئی غیر اصلیت انسانی غلط عقیدیاں نوں اوس ویلے تیکر اصلی دکھالی دیندی اے جدوں تیکر رب اوہناں دے بہرہ نوں لائیں دیندا۔ اوہ سچ نہیں کیوں جے اوہ رب ولوں نہیں۔ کر سچن سائنس وچ اسی سکھدے آں پئی مادی سوچ یا جسم دی ساری خارج از آہنگی نظر دا دھوکہ اے جیہڑی بھانویں اصلی تے اکو جیہی دکھالی دیندی اے پر اوہ نہ اصل تے نہ ای اکو جیہی ملکیت رکھدی اے۔

13- 26:414-29 (توں،)

ہستی دی اصلیت نوں ذہن وچ رکھو، پئی انسان اوس رب دی صورت تے شبیہ اے، جیدے وچ ساری ہستی بغیر پیڑ تے مستقل اے۔ یاد رکھو پئی انسان دی کاملیت اصلی تے ناقابل الزام اے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثر اں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔